

Polko Sokome Irisayó Mu Nakayáñoní

Korin Yendé Unipareko Ñuno Uró

Mande Kembé

Komo suki uni kato sokome ña **Grik** mandewore nakayáñaró, ko eneño owí nekaró, “Pol,” yaró. Uni ñuko **asáñowí uni** Pol nange. (*2 Korin 1:1* weyo qembe.) Itaka iño-iño uni qambu qundo ñande ye iñoyoteño, ko enendo kumima naru 55AD ñuno nakayáñaró, peka. (Asa “55AD” murí muko ñandiro, ko Yesu nimí pisiyaró, yate kumima naru 55 ñunde rotaró. Nore kumima naru 2,000 ñunde rotoro yate itaka yoteto.)

Polko naru kapusa ñuno Siria mira koro yendé ka, owé Antiok Siria, ñu rotoro mira enesówore khete uyaro **miti mande** yesowoyaró. Asa ko naru irisayómo ñuno, 48AD quno ñuno peka, enendo uyareyate Masedonia mirako ñuno kho tero **miti mande** yesowo yimitoyaró. Yate-yate 50AD peka Masedonia mira rotoro Akaia mirako ñuno Korin yendé parámimo uró. Uro kombo 18 ñuno yotoro Anutu koro mande rondaqe yunoyaró. (*Asá yerewí Uni 18:11* weyo qembe.) Naru ñu kini tiníqo, Antiok ñuno pitu ko uyareró. Yate Antiok rotoro khete uyareyate Efesus yendémo ñuno kunditero kumima naru kapusa peka ñuno yaró. Ñu yendémo ñuno koretero 1 Korin nakayáñoro riní Korin yendémo ñuno uró. Uní piña mande piyimi ka iñoro eneñoombo Korin pitu ko ñuno uró. (*2 Korin 2:1* weyo qembe.) Ñuno unipare roñgaru yerero rohoréñoro pitu ko Efesus kunditero kho teyaró. Tero Korin uniparetoro otete piyimiye ñuro piña mande ka pitu ko iñoro mande kondé ka nakayáñoní Taitus kandíwore uró. (*2 Korin 7:5-8* weyo qembe.) Nakayáñoní uní kiro mandímboro newonde surumí taró, quko Taitus rohoréñoro eneno mahero piña mande meté yiní Polko niñgu-niñgu taró. (*2 Korin 2:12-13* weyo qembe.) Niñgu-niñgu tero *2 Korin 1-9* nakayáñaró. Watí nakayáñoro piña mande piyimi kañuya iñoro *2 Korin 10-13* nakayáñoro sowe tero riní uró.

Korin yendé ñuko yendé parámi ka, Akaia mirako ñuno yora. Mira simburí ñuko wini ka owéye muko Grik. Polko 55AD peka sokome ña nakayáñaró. Asa ñu naru koñgo kumima naru 200 amena, uni wini meyowo ka owéye muko **Rom**,

enejo kuma unindo Korin soso roworemanjurí. Roworemoyi mira ηu kina yoní, yate kumima naru 100 ηunde rotoro **Rom** unindo yendé keta ka ηuno tanjurí. Yendé ηuro uni pará-pará ηuko **Rom** koro uni, ko unipare meyowo ηuko Grik unipare nanje. Ŋju yendé ηuno unipareto anutu kota-kota qambu potoruku te yunoyanjurí. Ŋjuya se simbururu parámi teyanjurí.

Mande korete qu

1 ¹No Pol, noko Anutuko rokó niriní Kristo Yesu^a koro asáηowí uni^b tunoqanowó. Noya topone Timoti koya sokome ηa nakayáηaro Anutu koro huru-huru Korin yendémo ηuno yotenjo^c ηuno uyaró. Ŋjuya unipare meté horé^d soso Akaia mirasina^e yotenjo ηu ηjuya ηuno uyaró. ²Norejo Awanani Anutu koya Uni Paráminani Yesu Kristo ηundo ye samaka-samaka tuwó yunori newondeye ime yoweya.

Anutuko uni newondeye rukisoyote

³Nondo Anutu koro owí hokoteno. Eneko Uni Paráminani Yesu Kristo^f koro Anutuyó ko enejo Iwí. Eneko sikí ηuro simburí, ko newondenani rukisoyote ηuro simburí. ⁴Quhurí kumi noreno tunoqiníqo, newondenani rukisoyoyote. Ŋjunde tiní norendo enejo murí howero dani uni ka quhurí kate-kate teyote ηu newondeye rukisoyoyowato. ⁵Qeni, Kristoko kowe surumí parámi korowaró, asa nore ηjuya kowe surumí ηundiro parámi korowoyoteto. Ŋjunde nanje yejo newondeye Kristowore parámi rukisoyoyoteto. ⁶Nore quhurí ka korowowato tiníqo, ηuko yejo newondeye rukisoyoní Anutuko rambaruru konjo ye yoreweya. Ko Anutuko newondenani rukisoyoyote tiníqo, ηu ηjyako newondeye rukisoyoníqota ye quhurí ηu korowoyotenjo quno ηuno kondé kanewanjo. ⁷Ŋjande inoteto, ye noreya kowe surumí ηu korowoyoteto, asa ko Anutuko yeya noreya newondenani rukisoyoyoweya. Ŋjunde ηuroko ηande inomukoteto, ko yendo meté yowanjo.

^a 1:1 “Kristo Yesu” - komo suki *ye-ye unindo* Anutuko uni ka rokóηoní mahero wiri yerete uni parámi horé tunoqeweya qu karo yanjurí. Juda unipareto uni maheweya ηu, “Kristo,” ma, “Mesaiya,” ye nekanjurí. Asa Yesu mahiní enejo unipareyó, “Kristo Yesu,” ma, “Yesu Kristo,” nanje ye nekanjurí. ^b 1:1 “asáηowí uni” ηuko Yesuko rokóηoro asáηoní enejo khoyó taró. ^c 1:1 “Anutu koro huru-huru” ηuko unipareto Yesu inondutuworo huruwoyotenjo qu. ^d 1:1 “unipare meté horé” ηuko oteteye soso muko meté nanje kini. Kini, owé ηu “unipare meté horé” ηuro murí muko ηandiro, “Anutu koro unipare” nanje. ^e 1:1 Komo suki *Rom* unindo mira kano uni wini ηuno sopo yerero mira ηu “Akaia mira” ye nekoyanjurí. Mira ηuro yendé parámi kembé muko Atens yendé, ko Korin yendé ηuko mirako ηuno yora. Itaka naru ηanoko mira ηuko “Grik mira” ye nekoyoteto. ^f 1:3 “Yesu Kristo” - komo suki *ye-ye unindo* Anutuko uni ka rokóηoní mahero wiri yerete uni parámi horé tunoqeweya qu karo yanjurí. Juda unipareto uni maheweya ηu, “Kristo,” ma, “Mesaiya,” ye nekanjurí. Asa Yesu mahiní enejo unipareyó, “Kristo Yesu,” ma, “Yesu Kristo,” nanje ye nekanjurí.

⁸Hamó, uni topo, quhurí ka noreno Esia mirako^g ηuno tunoqaró ηuro ijoyi.^h Quhurí parámi horé ηundo nore noriní umbuto wimbunani hamó horé takaró. ηunde ηuro, hamó khumowato, ye iηatowó. ⁹Hamó, topé piyimi ka rero khumowato, ye iηatowó. Quko ηuro murí ηuko ηandiro, asa noreño wimbunani ηuro kama iηowato. Kini, Anutuko uni khumowí yoriní otoqoyotengo ηuro wimbí ηuro iηowato nanje. ¹⁰Enendo o piyimi horé ηundo nore nuroní khumowero qu noηgo noraró, ko imemoηgo ηuya noreweya. ηande hamó iηoyoteto, ko enendo yate-yate rambaruru konggo noreyoweya. ¹¹Ye ηuya nore samaka nereweya koro hariri ti qembe. ηunde tiqo, Anutuko unipare parámi ηuro haririye iηoro nore samaka niriní unipare kumimbo noreño Anutu yuηgunajowango.

Polko khe meyowo ηuno howeweya

¹²Hamó, norendo newondenanimó hamó-hamó niηgu-niηgu teyoteto. Dokoro, Anutuko otete sopowero quro iηo-iηonani riní murí meté horé ηuya murí hamó ηuya howero nokono ηano khe u-unani meté howeyato. Iyo, unindoro iηo-iηoyemo khe ηu kama howeyato. Anutuko samaka-samaka tuwóⁱ nunoní ηunde tatowó. Ko ye keweroyemo murí meté ηu hamó horé howeyatowó. ¹³⁻¹⁴Qeni, norendo mande ka ye weyoro ijoyi tondaηewero mepémo kini qu kama nakayáηoyoteto. Asa ko itaka mande ηuro murí kumi nanje ijoyi tondaηeyote. Quko hamó ηande iηoyoteno, imemoηgo soso ijoyi tondaηeweya. ηande ijoyi tondaηeweya, ko Uni Parámi Yesu koro naruyómo ηuno yeηo niηgu-niηgu tewato, ηunde qembe yendo noreño niηgu-niηgu tewango.

¹⁵ηuro kondé iηoyano, asa ko, koretero yeno uyarewano, ye iηanowó. ηunde tero yendo naru irisa quno ηuno o meté mu rewango. ¹⁶Koretero yiyoro yoroto toηero Masedonia mirako^j uyaro rohoréηoro kaηuya yeno mahewano. ηunde maheweqo, yendo samaka nerero nori Judia mirako uyarewano. ¹⁷Quko ye date iηotengo? Nondo ηundiromo kina ye iηoro khe ηu howewano, peka? Nondo kowene sajaní nanje howero mande hamó mu kama yero naru kanata quno ηuno, “Iyo,” koya, “Kini,” koya irisa-irisa yeyoteno, peka?

ηunde kini. ¹⁸Anutuko eneño mandí ηu nanje howeyote. ηunde nanje no mande hamó nanje ye yimiroyoteno; “Iyo,” koya, “Kini,” koya irisa-

^g 1:8 Komo suki *Rom* unindo mira kano uni wini enesó-enesó ηuno sopo yerero mira ηu, “Esia mira,” ye nekoyangurí. Mira ηuro yendé parámi kembé muko Efesus yendé. Itaka naru ηanoko mira ηuko, “Turki mira,” ye nekoyoteto. ^h 1:8 ηu quhurí tunoqaró ηuro Asá yerewí Uni 19:23-41 weyo qembe. ⁱ 1:12 “*samaka-samaka tuwó*” ηuko Anutu eneηombo nore samaka yereyote. Kimoyó moré kini. ^j 1:16 Komo suki *Rom* unindo mira kano uni wini ηuno sopo yerero mira ηu, “Masedonia mira,” ye nekoyangurí. Masedonia mira ηuko Akaia mira taηgímo yora, ko mira ηuro yendé parámi kembé muko Tesalonaika yendé. Itaka naru ηanoko nore ηuya mira ηuko, “Masedonia mira,” ye nekoyoteto.

irisa kama yeyoteno. ¹⁹Dokoro Anutu koro Nañuní ñu, Yesu Kristo^k ñuko yeño “Iyo” koya “Kini” koya irisa-irisa kama tunoqaró. Kini. No, Sailas, Timoti, norendo ye keweroyemo Nañuní ñuro yesowatowó, ko Anutuko enewore, “Iyo,” yimiraró nañge. ²⁰Dokoro do mande ka Anutuko kusiñaró ñuko soso Nañuníwore, “Iyo,” ye yimiraró nañge. Ñunde ñuroko norendo enewore, “Ñu hamó,” yero Anutu owí hokoyoteto. ²¹Anutu enejombo noreya yeya yoriní Kristo quroyómo kondé yoteto. Anutuko nore rokó yerero ²²eneño rokóño ñunde noreno raró, ko Yuqa Surumí ñuko o meté horé siyowato ñuro rokó qembe ñu newondenanimó re rotaró.

²³No mande ka yewe teteno, ko Anutu enejombo mandene riní kondéreyote, asa komo no Korin yendémo yeno kañuya kama uyarenowó, quhurí ye yunowano koro. ²⁴Hamó, norendo yeño inñondutuye kondé kama sopoyoteto. Kini, noreya yeya kho kopo tero ñingu-ñingu tewato. Dokoro ye inñondutu metéwore nañge kondé kañewañgo.

2 ¹No yeno kañuya kama uyarenowó, dokoro, newonde surumí pitu ko yunowano, peka. Ñuro piyimiñanowó. ²Asa ye newonde surumí yunowano tiníqo, dani kato neneño newondene riní ñingu-ñingu teyote ñu watí yoweya? Uni ñuko no komo newonde surumí yunanowó ñu nañge. Ñu piyimi. ³Ñande ye inñoteno, ko yeno uyarewano quño ñuno yendo nori ñingu-ñingu nañge tewano, newonde surumí kama tewano. Ñu murí ñuro tero sokome komo nakayáñoro rewe yeno uyaró. No ñande inñoteno, ko no o karo ñingu-ñingu tewano tiníqo, ye soso o ñuro ñuya ñingu-ñingu tewañgo. ⁴Hamó, sasaro parámi tero newondene quhurí horé tiní yeño tendoro sokome ñu nakayáñanowó. Sokome ñuko ye newonde surumí yunowero quro kini. Kini, ñande ye inñanowó, ko sokome ñu weyoro nondo date yeño hamó-hamó inñoro newonde meté parámi yunoyoteno ñuro inñoyi tondañeweya.^l

Uni otete piyimi taró ñuro quhuríño ñu rotoyi

⁵Asa uni kato newonde surumí riní tunoqaró tiníqo, newonde surumí no nañge kama nunaró. Kini, enendo ye soso peka newonde surumí yunaró, quko ñuro parámi yewero piyimiñoteno. ⁶Yeño huru-huruyemo ye qambu qundo rondañero topé piyimi inañgurí. Ñu mepémo. ⁷Asa ko quhuríño re rotoya newondí rukisoyi qembe. Yate newonde quhurí parámi horé ñundo uni ñu riní umbuweya koro. ⁸Ñunde ñuroko no ñande yimiroteno, meté newonde meté pitu ko inoyi qembe. ⁹Hamó,

^k **1:19** “Yesu Kristo ” - komo suki *ye-ye unindo* Anutuko uni ka rokóñoní mahero wiri yerete uni parámi horé tunoqeweya qu karo yañgurí. Juda unipareto uni maheweya ñu, “Kristo,” ma, “*Mesaiya* ,” ye nekañgurí. Asa Yesu mahiní eneño unipareyó, “Kristo Yesu,” ma, “Yesu Kristo,” nañge ye nekañgurí. ^l **2:4** Norendo do sokome karo yaró nore itaka kama inñoyoteto. Inño-inño kumimbo ñande ye inñoyotengó, ko sokome quko 1 Korin, kumimboko 1 Korin enesó, sokome ñuro yaró ñu itaka nore kama towoyoteto.

komo sokome nakayáñanowó ñuko ye towo yerewero quro nanje, asa no mandene soso howero teyowanjope, ma kini? ¹⁰Yendo uni karo quhuríño re rototenggo tiníño, no ñuya quhurí ñu re rototeno. Nondo quhurí ka re rototeno tiníño, Kristo^m koro toñimo yeñomboro o ñu re rototeno. ¹¹Nondo ñunde tewano ñuko Monimbuko nore kaná yerero taka yereweya koro. Dokoro enejo iño-iñojó ñuro ijomukoteto.

Mande kondé keta quro kho uni

¹²Asa no Tiroas yendémo ñunoⁿ Kristo ñuro miti mande^o yesowowero mahenowó, ko Uni Parámimbo nenejo mako kosoní kho ñu tanowó. ¹³Quko nenejo newondene muko ime kama yoraró. Dokoro nondo topone Taitus ñu kama qenenowó. Ñunde ñuroko Tiroas yorotoro Masedonia mirako ñuno mahenowó.

¹⁴Quko Anutu yunñunajoyoteno, dokoro noreko Kristo quroyómo yoteto, ko naru rokóño Anutuko nore kusi-kusi uni qembe noriní howe uyareyoteto.^p Ñunde tero mandenanimbo Anutu koro murí ñu, risá nuñgurí qembe riní mirane-mirane toñiní unipareto iñojó tondajeyote. ¹⁵Hamó, noreko uni rambaruru takayotenggo quya piyo teyotenggo quya keweroyemo Kristo koro risá nuñgurí mu qembe Anutuko oyote. ¹⁶Asa uni kumi ñuro risá ñuko kindo khumowero koro risá qu. Quko uni meyowo ñuro nuñgurí ñuko yoto-yoto koro risá qu. Dani kato kho kiraró ñunde qu mepémo teweya? ¹⁷Hamó, uni kumimbo noko koro situwiye siyowero quro Anutu koro mandí ñu yesowoyotenggo. Quko noreko ñunde kini. Kini, norendo hamó tero Anutuko asá yerewí uni qembe Kristo quroyómo Anutu koro toñimo mande yeyoteto.

3 ¹Asa ye date iñotenggo, norejo owénani hokoyoteto, peka? Kini. Ñande iñatowó, peka, ko sokome ka ye yunatoqota norejo murínani ñuro seré tewanjo, peka, ma yendo noreñomboro sokome ñunde qu nakayáño nunowanjo, peka? Ñunde kini. ²Yendoko sokome ñunde qu qembe, newondenanimbo nakayáñaró mu, ko uni soso ñu genero weyoyotenggo. ³Yeko Kristo^q koro sokome qu, khonanimoko riní tunoqaró. Sokome ñu sono iriyómba kama nakayáñaró. Kini, Anutu yoto-yotojó moré ñuro Yuqayómba nakayáñaró. Ko enendo

^m 2:10 “Kristo ” ñuko Yesu nanje, asa Anutuko rokóñoñí mahero wiri yerete uni parámi horé tunoqaró ñu. ⁿ 2:12 “Tiroas yendé” ñuko Esia mirako windi tapémo yoní Masedonia mira windi andusina yora. ^o 2:12 “miti mande ” ñuko Anutuko Kristo asáñoñí khumoro quhurínanimboró kimo tiní Anutu koya newonde kanata tewero ñuro mande meté mu nanje. ^p 2:14 Ñu naruko ñuno Rom koro kuma unindo uni wini meyowomboya kuma tero taka yerero kusi yerero siyi Rom yendémo ñuwore uyareñgurí. Uyaríño, Rom unipareto genero ñingu-ñingu tero anutuye yunñuna yerero o nuñgurí meté mu qayi risá nuñgurí mu oró. Asa Polko ñuro tapara mande qu ka yaró. ^q 3:3 “Kristo ” ñuko Yesu nanje, asa Anutuko rokóñoñí mahero wiri yerete uni parámi horé tunoqaró ñu.

wondo sarara ŋuno^r kama nakayáŋjaró. Kini, unindoro newondenanimó nakayáŋjaró.

⁴Norendo Anutu toŋímo Kristowore iŋo-iŋo kondé ŋunde qu teyoteto. ⁵Hamó, noreŋombo naŋge iŋo-iŋo ŋunde qu tewero mepémo kini. Kini, Anutuko wimbu nunoní ŋunde teyoteto. ⁶Eneŋombo naŋge wimbu nunoní mande kondé^s keta ŋuro kho uniyó yoteto. Mande kondé keta ŋuro murí muko hutuŋo mande nakayáŋjaró qu kini. Kini, murí muko Yuqa^t koro qu naŋge. Dokoro mande nakayáŋŋgurí ŋundo yoriní khumoteto, quko Yuqako yoto-yoto yunoyote.

Mande kondé keta ŋuko meté horé

⁷Iŋoyi. Hutuŋo mande^u koro khoyómbó nore noriní khumoteto.^v Quko komo Anutuko sine parámi tero mande ŋu wondo sararako nakayáŋoní Moses koro umu-kembé ŋuya sine parámi taró.^w Ŋunde tiní Israel unipareto umu-kembémo toŋetewero mepémo kini. Quko sine parámi ŋu winzumowero teyara. ⁸Asa ko ye date iŋoteŋgo, Yuqa koro khoyómbó sine parámi horé tero kho meyowo ŋu takate, hamómbe? ⁹Qeni, kho kato topé piyimi nore nunoyote ŋuko sine parámi taró. Quko kho kato nore noriní roneneŋowí yoteto^x tiníŋo, kho ŋuko sine parámi horé tero kho meyowo ŋu takate, hamómbe? ¹⁰Dokoro, hutuŋo mande ŋuko sine taró. Quko itakako oka sine parámi horé teyote ŋu tunoŋiníŋo, hutuŋo mande ŋuro sine ŋuko tomó ta naŋge. ¹¹Hutuŋo mande yate-yate kini teweya ŋuko sine taró. Asa ko oka suki-suki yote ŋuro sineyó parámi muko sine meyowo ŋu takate, hamómbe?

¹²Ŋunde ŋuroko o meté soporo kondé kaŋero o karo kama soreyowato. ¹³Quko Mosesko o taró ŋu kama teyoteto. Enendo tuwi sumi ka rero umu-kembé wisumuŋoní Israel unipareto sine parámi winzumowero teyara ŋu qenewero mepémo kini. ¹⁴Quko Israel koro iŋo-iŋoye komo kusiyowí teyara. Qeni, ŋu naruko ŋu noŋgo yate-yate itaka ŋuya mande kondé komo qu weyoyoteŋgo quno tuwi sumi ŋundo iŋo-iŋoye watí wisumuŋoyote. Tuwi sumi ŋu watí yorote, dokoro Anutuko Kristowore^y naŋge re rotoyote. ¹⁵Iyo, itakako Moses koro hutuŋo mande ŋu weyoyuri

^r 3:3 “wondo sarara” ŋunde quno komo Anutuko *Sainai* purímo eneŋo *hutuŋo mande* nakayáŋjaró. ^s 3:6 “*mande kondé*” ŋuko Anutuko unipareyómboya kusiyaró.

^t 3:6 “Yuqa” ŋuko Anutu koro Yuqa naŋge. ^u 3:7 “*hutuŋo mande*” ŋuko komo suki Anutuko *Sainai* purímo *Moses* inoní Israel unipare yunaró. Mande ŋuko Juda unipareto yoto-yotoye soso sopoyaró. ^v 3:7 “nore noriní khumoteto” ŋuro murí muko ŋandiro: Juda unipareto *hutuŋo mande* kumi wendaŋiŋo, mande kho yunoro hutuŋo mande howero yuri khumaŋgurí. ^w 3:7 Toŋeŋgurí 34:29-35 weyo qembe ^x 3:9 “*roneneŋowí yote*” ŋuro murí muko ŋandiro: asa Anutuko uni ka, pare ka yiyoro potó moré kini tiní eneŋo unipare qu ka tunoŋeteŋgo. ^y 3:14 “*Kristo*” ŋuko Yesu naŋge, asa Anutuko rokóŋoní mahero wiri yerete uni parámi horé tunoŋaró ŋu.

tuwi sumi ḡundo iḡo-iḡoye watí wisumuḡoyote. ¹⁶Quko uni kato rohoréḡoro Uni Parámimo uyareweya quno ḡuno Anutuko tuwi sumi ḡu re rotoweya. ¹⁷Asa Uni Parámi ḡuko Yuqa Surumí naḡge. Ko Uni Parámimboro Yuqayómbó uni kaya yoweya tiníqo, uni ḡuko kina yote, oka kato kama kusiyote. ¹⁸Nore soso tuwi sumi ḡundo umu-kembanani kama wisumuḡoyote, ko Uni Parámimboro sine parámiyómbó nore noḡḡo uyareyote. Noreko yate-yate eneḡo kiraró tunoqeyoteto, ko Uni Parámi moḡḡo, asa Yuqa noḡḡo sine parámi rato, yate-yate noreno parámi yoweya.

O meté horé ḡuko o ime quno ḡuno yote

4 ¹Ḥunde ḡuroko kho ḡu rotowero quro piyimiḡoyoteto. Dokoro Anutuko noreḡo sikíqero kho nore nunaró. ²Quko o piyimi kate-kate uni kumimbo sóqero teyotēḡo ḡuro kowí piyo tero huwóḡoyoteto. O kota-kota koro khewore ḡuno kama uyareyoteto, Anutu koro mande ḡu kama roworemoyoteto. Kini, Anutu toḡímo mande hamó mu naḡge tunomo yesowato uni soso noreḡo murínani iḡo-iḡoyembo meté rondaḡewaḡo. ³Uni kumimbo miti mande^z yeteto ḡuro murí kama iḡoyi tondaḡeyote. Quko uni ḡuko piyo tewero uni naḡge. ⁴Ḥu unipare ḡundo iḡondutu kama teyotēḡo qu, itaka naru yoteto ḡaro anutu kota-kota ḡundo^a iḡo-iḡoye wisumuḡoyote. Ḥunde tiní Kristo^b koro sine parámimboró miti mande ḡuro hiyó ḡu kama qeneyotēḡo. Ko Kristo ḡuko Anutu koro kapo-kapo ḡundiro. ⁵Qeni, noreḡomboro kama yesowoyoteto. Kini, ḡande yeyoteto, “Yesu Kristo ḡuko Uni Parámi ḡu,” yeyoteto, ko “Norendo Yesu ḡuro iḡoro yeḡo kho simóye ḡunde yoteto,” yeyoteto. ⁶Dokoro, komo Anutuko yaró, “Huriri quroko hiyó meté tunoqiní.”^c Asa ḡu Anutu ḡundo newondenani riní hiyóqiní Yesu Kristo ḡuro yesowato Anutu koro sine parámi^d ḡunde ye iḡomukotēḡo. ⁷Quko o meté horé piyimi noreno yote ḡuko o imemo naḡge, noko kumbeko qembe yote. Ḥundiro naḡge unipare ḡande iḡowaḡo, ko o ḡuro wimbí parámi horé ḡuko Anutu koro wimbí na, noreḡo qu kini. ⁸O quhurímbo kawore-kawore nore pito nereyote, quko umuniḡowí kama teteto. O kumi ḡuro iḡaḡawí parámi teteto, quko iḡo-iḡonani kama umbute. ⁹Unindo nore o piyimi te nunoyotēḡo, quko Anutuko nore kama norotoyote. Nore nuroyi umbuteto, quko hamó kama piyo teyoteto. ¹⁰Naru rokóḡoro kowenanimbo Yesu khumaró ḡu korowoyoteto. Ḥundiro

^z 4:3 “miti mande ” ḡuko Anutuko *Kristo* asáḡoní khumoro quhurínanimboró kimo tiní Anutu koya newonde kanata tewero ḡuro mande meté mu naḡge. ^a 4:4 “anutu kota-kota” ḡuko Monimbu naḡge. ^b 4:4 “*Kristo* ” ḡuko Yesu naḡge, asa Anutuko rokóḡoní mahero wiri yerete uni parámi horé tunoqaró ḡu. ^c 4:6 Murí Tero 1:3 ^d 4:6 “sine parámi” ḡuko eneḡo owé parámi ḡunde qembe, eneḡo o soso meté horé mu.

nanje Yesu koro yoto-yotoyó ñuya nore kowenanimó hamó tunoqeyote. ¹¹Hamó, naru rokóñoro unindo Yesu huwóñoro nore yoto-yotonani moré mu nuri khumoyoteto. Ñunde tiqo, Yesu koro yoto-yotoyó noreño kowenani sañanímó^e tunoqeyote. ¹²Asa ko khumowero ñuko noreno kho teyote, quko yoto-yoto ñundo yeno kho teyote.

¹³Sokomeko ñuno ñande nakayáñaró, “Nondo ñondutu tanowó, ñunde ñuroko yesowoyoteno.”^f Asa ñundiro nanje norendo ñondutu tatowó, ñunde ñuroko yesowoyoteto. ¹⁴Anutuko Yesu, Uni Parámi ñu, okokowaró. Asa ko nore ñande ñoyoteto, ko enendo noreya Yesu koya okoko niriní yeya eneño tangímó uyare yorowato. ¹⁵Dokoro ña soso ye samaka yerewero quro nanje. Ñu murí ñuwore nanje unipare qambu samaka-samaka tuwó ñu^g rero Anutu parámi yuñganañoro seré te inoyowanjo.

¹⁶Ñunde ñuroko kho ñu rotowero piyimiñoyoteto. Hamó, kowenani piyo teyote, quko newondenani naru rokóñoro keta teyote. ¹⁷Dokoro kowe surumí tomó-tomó itaka korowoyoteto ñundoko imemongo o meté horé parámi suki-suki rewato ñundo o tomó-tomó soso ñu hamó takaweya. ¹⁸O toñenanimbo qeneyoteto quwore kama toñeteyoteto. Kini, o toñenanimbo kama qeneyoteto quwore nanje toñeteyoteto. Dokoro o toñenanimbo qeneyoteto ñuko naru tukuni nanje yoweya. Quko o toñenanimbo kama qeneyoteto ñundoko suki-suki yowanjo.

Noreño sambo koro ya qu

5 ¹Ñu hamó, dokoro, nore ñande ñoyoteto, ko yamaru nokono ñano quño yoteto qu piyo tiníqo, Anutu koro ya qu kañuya noreño yote. Ya suki-suki yoweya ñuko unindo kandeyembo kama ranjurí, ñuko samboko yote.

²Hamó, nokono ñano newondenanimbo surumí tero kiweyote. Ñande kondé ye ñoyoteto, ko sambo koro ya ñu, kowe punu-pununani qembe nore wisumu nereweya. ³Ko ñundo wisumu nereweya tiníqo, naru kanoko birimbiri kama yowato. ⁴Hamó, nore yamaru nokono ñano quño nanje yotoro, quhurí koroworo newondenanimbo surumí tero kiweyote. Quko ya ñano qu re rotowero ñuro kama ñoyoteto. Kini, meyowombo nore wisumu nereweya ñuro nanje ñoyoteto. Ñu muríwore yoto-yotoko kindo khumowero qu hamó takaweya. ⁵Asa Anutu eneñombo nore yoto-yoto ñu rewato quro roñgaru nerero Yuqa Surumí^h nunaró. Yuqa ñuko o meté rewato ñuro rokó qu.

⁶Ñunde ñuroko naru rokóñoro kondé kañeyoteto. Hamó, ñande ñoyoteto, ko nore kowenanimboro ya ñano yoteto quño ñuno Uni

^e 4:11 Polko “kowe sañaní” ñuro yaró ñuko o kowenani weheñoro sara-sarape ma iriyó ñunde tete ñuro kama yaró. Kini, enendo tapara ñuwore noreño o soso yoto-yotonani nokono ñano quro yaró. ^f 4:13 Hariri Yambo 116:10 ^g 4:15 “samaka-samaka tuwó” ñuko Anutu eneñombo nore samaka yereyote. Kimoyó moré kini. ^h 5:5 “Yuqa Surumí” ñuko Anutu koro Yuqa nanje.

Parámimboro yendémo kama yoteto. ⁷Dokoro toŋenanimbo khe u-unani ŋu kama gene howeyoteto. Kini, iŋondutu tero gene howeyoteto. ⁸Asa kondé kaŋero ŋaro metéŋoyoteto, ko nore kowenanimboro ya ŋano qu rotoroko Uni Parámimboro yendémo yowato. ⁹Iŋunde ŋuroko norendo ŋano yotetope ma kini, ŋande kondé iŋoyoteto, meté Uni Parámimbo noreŋo niŋgu-niŋgu teweya. ¹⁰Dokoro nore soso Kristoⁱ toŋímo hamó kaŋewato. Kaŋato kowenanimbo o tatowó qu, asa o meté ŋuya o piyimi ŋuya, o tatowó ŋu rondaŋero kimoyó nore nunoweya.

Uni soso yoriní Anutu koya newonde kanata tewango

¹¹Iŋunde ŋuroko Uni Parámimboro soreroqota unindo iŋondutu tewero quro iŋo-iŋoye okokowoyoteto. Anutuko noreŋo iŋomukote; no ŋande kondé iŋoyoteno, ko ye ŋuya noreŋo iŋomukotengo. ¹²Asa owénani pitu ko kama hokoyoteto, kini. Quko uni kumimbo unindoro owéye parámi ŋuro naŋge iŋoyotengo, uni ŋuro newondeyemo kama toŋetero hamó gene iŋoyotengo. Asa mande ŋunde yeteno quwore yendo meté noreŋo niŋgu-niŋgu tero uni ŋunde qu mande topé yewango. ¹³Hamó, ko norendo kape-kape teyoteto tiníŋo, Anutu ŋuro ŋunde teyoteto. Ko iŋo-iŋo meté teyoteto tiníŋo, yeŋo ŋuya ŋunde teyoteto. ¹⁴Dokoro Kristoko^j newonde meté nunoyote ŋundoko nore sopo nereyote. Iŋande iŋoyoteto, ko uni kanata kato uni mepéye soso rero khumaró, asa ko uni soso ŋu ŋuya khumaŋgurí. ¹⁵Uni ŋundo mepéye rero khumaró ŋuro murí muko ŋandiro, ko uni yoto-yotoye moré qundo eneŋomboro kama yateyowango. Kini, uni ŋu mepéye rero khumoro otoqaró ŋuro iŋoro yateyowango.

¹⁶Asa ko nore itaka ŋano yoteto quno ŋuno yate uni koweye saŋaniwore^k kama gene ronda yerewato. Hamó, komo nore Kristo kowí saŋaniwore gene rondaŋatowó, quko itaka ŋunde kama teyoteto. ¹⁷Asa ko uni kato Kristo quroyómo yote tiníŋo, Anutuko ene riní keta taró. O komo qu kini ta, o keta qu ka tunoqa. ¹⁸Ko o soso ŋu Anutu eneŋombo taró. Enendo Kristowore noreya pitu ko newonde kanata teyoteto, ko o teyote ŋuro piŋa mande yesowowero kho ŋu nore nunaró. ¹⁹Piŋa mande ŋuko ŋandiro, ko Anutuko, uni nokono ŋano quro quhuríyembo kimoyó kama yunoro Kristowore soso yorero newonde kanata tewero, ye iŋaró. Iŋunde tero o teyote ŋuro piŋa mande ŋu nore nunoní yesowoyoteto. ²⁰Iŋunde ŋuroko Kristo koro owímo ye-ye uni tunoqatowó, Anutuko maŋgonanimo yeyote ŋunde qembe teyoteto. Asa nore Kristo koro

ⁱ 5:10 “Kristo” ŋuko Yesu naŋge, asa Anutuko rokóŋoní mahero wiri yerete uni parámi horé tunoqaró ŋu. ^j 5:14 “Kristo” ŋuko Yesu naŋge, asa Anutuko rokóŋoní mahero wiri yerete uni parámi horé tunoqaró ŋu. ^k 5:16 Polko “kowe saŋani” ŋuro yaró ŋuko o kowenani weheŋoro sara-sarape ma iriyó ŋunde tete ŋuro kama yaró. Kini, enendo tapara ŋuwore noreŋo o soso yoto-yotonani nokono ŋano quro yaró.

owímo ñande kondé ye yimiroyoteto, “Anutu koya newonde kanata ti.”
 21 Anutuko uni o piyimi ka kama taró qu ka riní noreñomboro quhurí korowaró. Ñu murí ñuwore norendo ene quroyómo Anutu koro murí roneneñowí mu tunoqewato.

6 1 Asa noreko Anutu koya kho kopo teyoteto qundo yeya mande kondé ñande yeteto, “Ye Anutu koro samaka-samaka tuwó¹ ñu wimbo-wimbo ma rewero.” 2 Dokoro enendo ñande yete,

“Naru meté ñuno mangoke iñanowó,
 rambaruru koñgo korewero naruko ñuno samaka kerenowó.”
 Qeni, naru meté ñu itaka nanje tunoqete, itaka nanje rambaruru koñgo yorewero naruyó tunoqete.

Polko quhurí parámi korowoyaró

3 Norendo, uni kato kho ñaro kama yesaráñowañgo, ye iñoyoteto. Ñunde nanje o kato kheye sañgawoní umbu rañowañgo ñu kama reyoteto. 4 Kini, naru rokóñoro Anutu koro kho uniyómboro muríye nanje howeyoteto. Asa quhurí parámi koroworo murí meté ñu howeyoteto. Kowe surumí tero, o koro tukuni tero, newonde surumí tero murí meté ñu howeyoteto. 5 Kumimbo nore haususu nereñgurí, kusi-kusi yano norotañgurí, ko kawore-kawore kuma teyotenggo. Quko enina, murí meté ñu howeyoteto. Nore koweyumu tero, qu kama etero, o qonanimboró khumoroqo murí meté ñu nanje howeyoteto. 6 Nore otete sara-sara qu tero, iño-iño hamó qu tero, quhurí mondó ta koroworo, o meté nanje te yunoro, Yuqa Surumíwore^m o tero, newonde meté hamó yunoro, 7 mande hamó nanje yeroqo Anutu koro wimbímo murí meté ñu nanje howeyoteto. Otete roneneñowímboroⁿ kuma tewero qu kandenani kondéwore ko kandenani tesina toworo murí meté ñu howeyoteto. 8 Kumimbo owénani hokoyotenggo, kumi ri umbute. Kumimbo noreño huwó mande yeyotenggo, kumi mande meté yetenggo. Quko enina, murí meté ñu nanje howeyoteto. Noreko hamó uni nanje qu, quko enendo kota-kota uni ye neko nereyotenggo. 9 Uni kumimbo nore iño yunoyotenggo, quko, owénani moré kini qembe, ye iñoyotenggo. Noreko khumowero teteto, quko qeni, toñenani yote. Kumimbo kandeto nore nutoyotenggo, quko nore kama khumoteto. 10 Nore newonde surumí teteto, quko naru rokóño niñgu-niñgu teyoteto. Nore onononani moré kini yoteto, quko unipare qambu o parámi yunoyoteto. Nore onani moré kini, quko o soso ñuko noreño na.

¹ 6:1 “*samaka-samaka tuwó*” ñuko Anutu eneñombo nore samaka yereyote. Kimoyó moré kini. ^m 6:6 “*Yuqa Surumí*” ñuko Anutu koro Yuqa nanje. ⁿ 6:7 “*otete roneneñowí*” ñuko Anutuko nore rokó yiriní noreño murínani eneño murí howeyote.

¹¹Ye Korin, nore mande tunomo yeya n̄ande yero newonde hamó-hamó yunoteto. ¹²Norendo yeño newondeye kama kusiyoteto. Kini, yeñombo newondeye kusiyoyoten̄go. ¹³Yeko neneño simóne, asa ko n̄ande ye yimiroteno, ko norendo murí meté yeno teyoteto n̄unde nan̄ge newondeye soso nore nunoyi qembe.

Uni iñondutu kama teyoten̄go n̄uya kopo ma tewero

¹⁴Yeya uni iñondutu kama teyoten̄go n̄uya womoro kho kopo ma tewero. Qeni, otete roneneñowí^o n̄uya hutuño mande wendaqewero murí n̄uya kho kopo tewari, peka? Hiyómbe meté huriri koya kopowari, peka? ¹⁵Kristo^p koya Beliar^q koya newonde kanata yotiri, peka? Uni iñondutu teyote n̄uya uni iñondutu kama teyote n̄uya nembe rewari, peka? ¹⁶Anutu koro Ya Surumí quya anutu kota-kota n̄umbe se kopowan̄go, peka? Qeni, noreñombo Anutu yoto-yotoyó moré n̄uro Ya Surumí yoteto. Ñundiro Anutu enegombo n̄ande yaró,

“Nondo eneya yotoro keweroyewore yateyowano.

Eneño Anutuye yowano, enendo neneño uniparene yowan̄go.”

¹⁷Ñunde n̄uroko Uni Parámimbo n̄ande yete,

“Ye ñu yoroto

soreya sewemo yuri qembe.

O pusú qu ma towowero,

ko nondo ye yuñguna yerewano.”

¹⁸Uni Parámi Wimbí Soso n̄undo n̄ande yete,

“Nondo nan̄ge yeño awaye yowano,

7 yendo neneño nambo-simóne yowan̄go.”

¹Topo-topone horé, norendo mande kusiyaró ñu siyatowó. Ñunde n̄uroko kowenani, yuqanani sonoworo o pusú ñuno qu soso siyatoka ton̄iní. Ñunde sonoworo Anutu koro sorero eneño murí nan̄ge hamó howewato.

Polko niñgu-niñgu parámi taró

²Ye noreya womoya newondeyemo noreño iñoyi qembe. Nore uni ka o piyimi kama te inatowó, kanata kama roworematoowó. Uni ka

^o 6:14 “otete roneneñowí” ñuko Anutuko nore rokó yiriní noreño murínani eneño murí howeyote. ^p 6:15 “Kristo” ñuko Yesu nan̄ge, asa Anutuko rokóñoní mahero wiri yerete uni parámi horé tunoqaró ñu. ^q 6:15 “Beliar” n̄uro murí muko ñandiro: “otete piyimi horé” ko Juda unindo Satan n̄uro iñoro n̄unde nekoyan̄gurí. Ñundiro nan̄ge owé ñuko Monimbu koro owí ka.

kanáŋoro oyó soso kama siyatowó. ³No mande kho ye yunowero quro mande ŋa kama yeteno. Kini, no komo ŋande yanowó, ye noreya womoro yeŋo kondé iŋoyoteto. Ijunde naŋge nore yeya khumowato, ko yeya yoto-yotonani rewato. ⁴Ijande iŋomukoteno, ko yendo otete meté howeyowaŋgo, oteteye meté ŋuro yesowoyoteno. No yeŋo niŋgu-niŋgu hamó-hamó teyoteno, newondene parámi rukisoyote. Quhurí soso noreno tunoqeyote quno ŋuno niŋgu-niŋgu parámi horé teyoteno.

⁵Qeni, nore uyaro Masedonia mirako^r yoratowó quno ŋuno kowenani muko meté kama imaqeyaró. Kini, naru rokóŋoro quhurí kate-kate noreno tunoqeyaró. Unindo noreya kiro kuma teyaŋgurí, ko newondenanimu sasaro teyatowó. ⁶Quko Anutuko unipare newonde quhurí teyoteŋgo ŋu yoriní newonde ime yoteŋgo. Asa ko enendo Taitus riní noreno ŋano maheró ŋuko newondenani riní imaqaró. ⁷Hamó, maheró ŋuko newondenani rukisoyaró, quko ŋu naŋge kini. Kini, koreteroqo yendo Taitus newondí ri imaqaró. Enendo nore yeŋo muriye ŋuro ŋande nimiraró, ko no niyowero hamó-hamó iŋoro newonde surumí tero neneŋo kondé iŋoyoteŋgo. Iju ŋuya newondene riní imaqiní niŋgu-niŋgu hamó-hamó teyoteno.

⁸Iyo, sokome komo nakayáŋanowó ŋundo newonde surumí ye yunaró, quko nondo ŋuro kama piyimiŋoteno. Hamó, komoko ŋuro piyimiŋoyanowó, dokoro sokome ŋundo ye yoriní naru tukuni ta newondeye surumí taró. ⁹Quko itakako niŋgu-niŋgu teteno. No yeŋo newonde surumíye ŋuro niŋgu-niŋgu kama teteno. Kini, yendo newonde quhurí tero oteteye piyimi ŋuro surumí tero rotangurí. Ijuro niŋgu-niŋgu teyoteno. Dokoro Anutu eneŋombo newonde surumíye ŋu riní tunoqaró. Noreŋo mandenanimbo ye kama rambaruru yereró. ¹⁰Dokoro Anutuko newonde surumí riní tunoqeyote ŋunde qundo nore noriní otetenani piyimi ŋuro newonde surumí tero rotato Anutuko rambaruru koŋgo yoreweya. Nore ŋuro kama piyimiŋowato.

Quko noko koro newonde surumí ŋundo nore noriní khumowato. ¹¹Qeni, Anutuko newonde surumí riní tunoqaró ŋundo ye yoriní otete meté howewero ŋuro parámi iŋoro, oteteyembo murí ŋu yesoworo, otete piyimi ŋu kondé piyimiŋoro, Anutu koro sorero, niyowero hamó-hamó iŋoro, neneŋo kondé iŋoro, uni piyimi ŋu roŋgaruwowero quro kondé iŋoyoteŋgo. Iju soso ŋuwore yeko potóye moré kini ŋu tunomo tunoqaró. ¹²No uni o piyimi taró ŋu eneŋomboro sokome ŋu kama nakayáŋanowó, ko dani uni ŋu o piyimi taró ŋuro eŋgé korowaró ŋu

^r 7:5 Komo suki *Rom* unindo mira kano uni wini ŋuno sopo yerero mira ŋu, “Masedonia mira,” ye nekoyaŋgurí. Masedonia mira ŋuko Akaiia mira taŋgímo yora, ko mira ŋuro yendé parámi kembé muko Tesalonaika yendé. Itaka naru ŋanoko nore ŋuya mira ŋuko, “Masedonia mira,” ye nekoyoteto.

enejo kama nakayáñanowó. Kini, sokome nakayáñanowó ñuro murí muko ñandiro, meté yendo ñande qene iñowanjo, ko Anutu toñímo ye noreño surumí hamó iñoyotenjo. ¹³Ñu murí ñuro newondenani ime horé yote.

Ñuya nore ñingu-ñingu hamó-hamó teyoteto, dokoro yendo Taitus koro newonde quhurí ñu soso ri kini tiní newondí meté taró. ¹⁴Nondo komo Taitus yero yeño owéye hokanowó, ko mande miranowó ñuro kowi piyo kama teyoteno. Mande soso komo yimiranowó ñuko mande hamó. Ñunde nanje nondo o soso yeño Taitus miranowó ñuko hamó nanje. ¹⁵Enendo yeno maheró quno ñuno ye sorero khe kandeye yukuwoní eneño mandí soso howeyanjo. Ene muríye iñote ñuro tero newonde meté yunoyote. ¹⁶Itaka ñingu-ñingu teteno, dokoro no ñande iñoteno, ye soso o meté kinanje teyowanjo.

Unipare meyowo parámi samaka yiri qembe

8 ¹Topo okite, norendo Anutuko samaka-samaka tuwó^s huru-huru Masedonia mirako^t ñuno yotenjo qu^u yunaró ñuro yimirowe teteto. ²Quhurí parámi unipare ñuno tunoqiníqo, ñingu-ñingu parámi tanjurí. Onoñoye moré kini hamó horé yoranjo, quko uni meyowo ñuro iñoro mone parámi yunowero iñanjurí. ³No ñuro yesowoteno, ko eneño o mepémo uni meyowo yunowero nanje kama yunanjurí. Kini, o parámi horé yunoro samaka yerenjgurí. Eneño iño-iñoje howero ⁴ñande kondé kira nerenjurí, meté huru-huru meywomboya kho kopo tero unipare meté horé^v ñu samaka yerero puriño ka rewanjjo. ⁵Ko noreño iño-iñonani nanje kama howanjgurí. Kini, koretero eneño Anutu inanjgurí, tukú Anutu koro nuñgurí howero iño-iñonani howanjgurí. ⁶Komo Taitusko ye keweroyemo kho ñu hurí tiní ye ñuya samaka-samaka tuwó unipare meté horé yunowero ñuro iñanjgurí. Ñunde ñuroko norendo ñande kirayatowó, meté kho ñu riní kini teweya. ⁷Yendo iñondutu tero mande yesoworo iño-iño meté tero otete meté nanje howero noreño qembe newonde meté topo-topoye yunoyotenjo. Ñu murí soso ñu parámi teyotenjo. Asa ñundiro nanje ña samaka-samaka tuwó ñaya parámi ti qembe.

⁸Nondo mande kondé ka kama yimiroteno. Kini, unipare meywombo murí meté howeyotenjo ñuro yesoworo yeño newonde meté yunowero

^s **8:1** “*samaka-samaka tuwó*” ñuko Anutu eneñombo nore samaka yereyote. Kimoyó moré kini. ^t **8:1** “Masedonia” mira ñuko Akaia mira tanjímó yora, ko Korin yendé ñu Akaia mirako ñuno yora. ^u **8:1** “*huru-huru*” ñuko unipare soso ñundo Yesu iñondutuwo nokone-nokone ñuno huruwoyotenjo qu. ^v **8:4** “*unipare meté horé*” ñuko Juda iñondutu unipare Yerusalem ñuno yoranjurí. Naru piruko ñundiro unipare ñundo onoñoye moré kini tanjurí. Ñunde ñuroko Polko unipare ñu samaka yerewero quro mone kumi iñondutu unipare meyowo moñgo kopoyaró. (Rom 15:25-28; 1 Korin 16:1-4; Galesia 2:10 weyo qembe.)

muriye njundiro qene rondañewano. ⁹Dokoro ye Uni Paráminani Yesu Kristo^w koro samaka-samaka tuwó njuro ñande injotenggo, ko eneko oyó qambu, quko o soso ñu rotoro yeñomboro ononjyó moré kini qembe tunoqaró. Ñunde tero yendo oyó rotaró njuwore oye qambu tewango.

¹⁰Ñuro iño-iñone ye yimitoyoteno, dokoro njuwore o meté ka yeno tunoqeweya. Kumima naru ameno kho ñu tewero hamó injoro hurí tañgurí. ¹¹Asa itaka iño-iño kondé tero kho ñu reya oye kanaramimo ti waka ta kini teweya. ¹²Dokoro ye iño-iño hamó moñgo ñange yunotenggo tiniqo, Anutuko o njuro metéñoweya. Quko oye moré kini tero parámi kama yunotenggo tiniqo, enina. Enendo njuro kama piyimiñoweya. ¹³Dokoro unipare njundo meté yowango, quko, ye quhurí korowowango, njuro kama ye injoyoteno. Kini, meté uni soso njunde ñange. ¹⁴Itaka ñanoko ye oye qambu horé, ko yendo o siyoro uni topoye ononjyoye moré kini qu samaka yerewango. Ko imemoñgo, ye tukuni tiqo, enepa ononjyoye moré teroqo ye samaka yerewango. Asa ko uni soso njunde ñange. ¹⁵Ñundiro ñange sokomeko njuno ñande nakayáñaró,

“Danimbo parámi huruwangurí njundo mepémo ñange towangurí,
ko danimbo tomó ta huruwangurí njundo tukuni kama tañgurí.”

Polko Taitus asáñoní Korin yendémo uyaró

¹⁶No Anutu yungunañoyoteno. Enendo Taitus newondí okokowoní ye samaka yerewero hamó injoyote, nore injoyoteto njunde ñange. ¹⁷Asa ye samaka yerewero njuro kirayatowó quno njuno kho ñu tewero surumí injoro enejo iño-iñoyó howero yeno uyareweya. ¹⁸Ko norendo toponani kaya rato eneya yeno uyarewari. Toponani njuko miti mande^x koro kho teyoní Anutu koro huru-huru soso^y njundo owí hokoyotenggo. ¹⁹Ñu ñange kini. Kini, huru-huruko rokóñoyi noreya kho tero mone unipare meté horé yunowero ña koroworo uyarewato. Kho ñu teyoteto njuko Uni Parámi owí hokowero koro kho qu, ko uni ñande injowango, norendo samaka yerewero njuro hamó metéñoyoteto. ²⁰Uni kato nore date puriño parámi ña yunowato yesaráñoweya koro. ²¹Dokoro norendo Anutu toñjimo koya uni toñeyemo ñuya murí meté ñu ñange tewato, yero injoyoteto.

²²Ko toponani kañuya rato eneya toñeweya. Naru parámi khayó kate-kate njuro towonoro qeneyato kho kondé teyote. Ene hamó ñande

^w 8:9 “Yesu Kristo” - komo suki *ye-ye unindo* Anutuko uni ka rokóñoní mahero wiri yerete uni parámi horé tunoqeweya qu karo tañgurí. Juda unipareto uni maheweya ñu, “Kristo,” ma, “*Mesaiya*,” ye nekañgurí. Asa Yesu mahini enejo unipareyó, “Kristo Yesu,” ma, “Yesu Kristo,” ñange ye nekañgurí. ^x 8:18 “*miti mande*” njuko Anutuko *Kristo* asáñoní khumoro quhurínanimboró kimo tiní Anutu koya newonde kanata tewero njuro mande meté mu ñange. ^y 8:18 “*Anutu koro huru-huru*” njuko unipare soso Yesu injondutuwooro nokone-nokone njuno huruwoyotenggo qu.

ijote, yendo murí meté qu nanje tewango. Njunde njuroko itakako keweroyemo kho nu tewero parámi hamó ijoyote. ²³Asa ko Taitus njuro yewe teteno, eneko nembe topone, ko ye samaka yerewero koro kho kopo teyotero. Topo-toponani meyoowo njuro, eneko huru-huru unipareto asá yiri khoyarimbo Kristo^z koro owí hokoyote. ²⁴Njunde njuroko murí meté uni nu te yunoyi qembe. Komo norendo yeño murí meté njuro ene yimiratowó. Asa ko newonde meté yunoya murí meté nu huru-huruko soso witú yiri qembe.

9 ¹Hamó, nondo samaka-samaka unipare meté horé nu^a te yunowero njuro mande ka kama nakayáñowano tiníqo, nu meté. ²Dokoro no ñande ijoteno, ye unipare nu samaka yerewero njuro hamó ijoyotengjo. Naru rokóñoro Masedonia toñeyemo yeño owéye hokoro ñande yimitoyoteno, “Kumima naru amena rотор, yate-yate Akaia mira^b koro unipareto, kho nu tato, yero o roñgaruwanñurí.” Njunde ijoro Masedonia uni qambu kumi newondeye okokowoní ene njuya o unipare yunowero iñanñurí. ³Quko topo-topone nu yorewe yeno uyaro okoko yiri o nu roñgaruwowango. Njundiro nanje yeño owéye hokoyanowó njuko kina mande kama teweya. ⁴Yate Masedonia uni kumi ka noya uyaro ye yiyoyi o kama roñgaruwanñurí tiníqo, noya yeya o njuro kowi piyo rewato koro. ⁵Njunde njuro topo-topone kondé ñande yimiranowó, ko koretero yeno uyaro samaka yiri o newonde metémboro parámi qu roñgaruwowango. Njundiro nanje unindo ñande iñowango, yendo puriño nu tuwó reyotengjo, norendo yeño moneye nu kina kama woso siyoteto.

Date rimiwango quko njundiro nanje engé siyowango

⁶Ye ñaro ijoyi. Uni o yuwoyó tomó ta rimiweya njundo engé tomó ta reweya. Ko uni o yuwoyó parámi rimiweya njundo engé parámi siyoweya. ⁷Ye soso kanata-kanata do oka rero topo-topoke yunowero njuro ijoyi qembe. Newonde quhurí tero ma yunowero, ko uni meywomboro iño-ijoyó howero ma yunowero. Dokoro Anutuko uni ka niñgu-niñgu tero yunoweya njuro hamó metéñoyote. ⁸Anutu eneñombo samaka-samaka tuwó^c soso se yunowero wimbí tete. Njunde tero yunoní naru rokóñoro oye parámi tero kho meté nu soso meté teyowango. ⁹Njundiro nanje sokomeko njuno ñande nakayáñaró,

^z **8:23** “Kristo ” njuko Yesu nange, asa Anutuko rokóñoní mahero wiri yerete uni parámi horé tunoqaró nu. ^a **9:1** “unipare meté horé ” njuko Juda iñondutu unipare Yerusalem njuno yoranñurí. Naru piruko njundiro unipare njundo ononoye moré kini tanñurí. Njunde njuroko Polko unipare nu samaka yerewero quro mone kumi iñondutu unipare meyoowo moñgo kopoyaró. (Rom 15:25-28; 1 Korin 16:1-4; Galesia 2:10 weyo qembe.)

^b **9:2** “Akaia” mira njuko Masedonia mira tanñimo yora, ko Korin yendé nu Akaia mirako njuno yora. ^c **9:8** “samaka-samaka tuwó ” njuko Anutu eneñombo nore samaka yereyote. Kimoyó moré kini.

“Enendo o parámi kuriyoro ononjoye moré kini qu yunaró; eneño otete roneneñowí ñuko naru suki-suki yoweya.”

¹⁰Enendo uni o yuwoyó se yunoní khono rimiyotenjo, ko o qoyemboro uni se yunoní neyotenjo. Ñunde nanje yeño o rimiyotenjo ñu saponí parámi tiní otete roneneñowíyemboro^d enge parámi teweya. ¹¹Anutuko o qambu ye yunoní ye meté o qambu uni meyowo yunowanjo. Ko noreño khonaniwore yeño puriño ñundo uni ñu riní Anutu yunñunajoyowanjo. ¹²Dokoro yendo kho ñu teyotenjo ñundo unipare meté horé ñu^e samaka yereweya ñu nanje kini. Kini, kho ñu teyotenjo ñuwore unipare qambu Anutu yunñunajoyowanjo. ¹³Enendo kho ñu teyotenjo ñu qenero ñande inowanjo, Kristo ñuro miti mande^f yesoworo mande ñu howero unipare soso o meté yunoyotenjo. Ñunde ñuroko enendo Anutu koro owí hokowanjo. ¹⁴Ñande inowanjo, Anutu koro samaka-samaka tuwó parámi ñu yeno mangoreyote. Ñunde ñuroko hariri tero yeño surumí hamó inoyowanjo. ¹⁵Anutuko puriño parámi horé nore nunaró ñuro yunñunajoyowato.

Polko eneño khoyó ñuro yaró

10 ¹No Pol, nondo Kristo^g koro murí ime, murí meté ñu howero yeño newondeye okokowowe teteno. Ye kumimbo ñande ye inotenjo, no yeya yotoroqo neneño re umbuyoteno, quko sewe moñjo mande kondé yeyoteno. ²Qeni, uni kumimbo nore ñande ronda nereyotenjo, kowe sajaní ñuro^h murí howeyoteto. Asa uni ñunde quya mande kondé yewano, quko yeya ñunde yewero ñuro piyimiñoteno. ³Dokoro nore kowenani sajaní yoteto, quko kowe sajaní koro wimbuwore kuma kama teyoteto. ⁴O soso kuma koro qu towoyoteto ñuko noko koro qu kini. Kini, o ñuko Anutu koro wimbu qu nanje. Ñuwore norendo sañgirímboro ya kondé ñu roworemoro ino-ino piyimi kate-kate roworemoyoteto. ⁵Ñuwore o kate-kate soso ñundo eneño owéye hokoro Anutu koro ino-ino quya kuma teyote, ñu roworemoro ino-ino soso kondé towato Kristo

^d 9:10 “otete roneneñowí” ñuko Anutuko nore rokó yiriní noreño murfnani eneño murí howeyote. (Hosea 10:12 weyo qembe.) ^e 9:12 “unipare meté horé” ñuko Juda inondutu unipare Yerusalem ñuro yoranñurí. Naru piruko ñundiro unipare ñundo ononjoye moré kini tanñurí. Ñunde ñuroko Polko unipare ñu samaka yerewero quro mone kumi inondutu unipare meyowo moñjo kopoyaró. (Rom 15:25-28; 1 Korin 16:1-4; Galesia 2:10 weyo qembe.) ^f 9:13 “miti mande” ñuko Anutuko Kristo asáñoní khumoro quhurínanimboro kimo tiní Anutu koya newonde kanata tewero ñuro mande meté mu nanje. ^g 10:1 “Kristo” ñuko Yesu nanje, asa Anutuko rokóñoní mahero wiri yerete uni parámi horé tunoqaró ñu. ^h 10:2 Polko “kowe sajaní” ñuro yaró ñuko o kowenani weheñoro sara-sarape ma iriyó ñunde tete ñuro kama yaró. Kini, enendo tapara ñuwore noreño o soso yoto-yotonani nokono ñano quro yaró.

kusunjoyómo yoweya. ⁶Ko yendo manjonani howeyuriqota uni mande wenda-wenda teyotengo nu quhurí yunowato.

⁷O tonjeyemo yote nu qeni qembe. Ko uni kato, no Kristo koro uni hamó yoteno, ye inoyote qundo hamó njande inoweya, ko nore njuya enejo qembe Kristo koro uni wini yoteto. ⁸Hamó, nondo Uni Parámimbo owé nore nunaró nu songa ta hokoyoteno tiníqo, njuro kowi piyo kama tewano. Owé njuro murí muko njandiro, ko norendo ye injondutuye rukisoyowato, kama roworemowato. ⁹Sokome nakayáñoyoteno njuko ye sore yerewero njuro piyimiñoteno. ¹⁰Dokoro kumimbo njande yeyotengo, “Polko sokomeko mande kondé, mande quhurí nakayáñoyote, quko noreno mahiníqo, qenero njande inoyoteto, enejo kowí njuko wimbí moré kini ko mande yeyote nu wuruwara nanje.” ¹¹Uni njunde quko meté njande inowanjo, hamó nore kapiyamo mande kondé sokomeko nakayáñoyoteto, asa njundiro nanje ye keweroyemo njuya mande kondé yewato.

¹²Qeni, uni kumimbo enejo owéye hokoyotengo. Quko noreko uni njunde qu qembe kini. Kini, uni njuko topoyembo muríye qenero, no njunde qembe tetenope ma kini, qene rondanjetengo. Unindo njunde teyotengo, njuko kama inoyi tondanjetote. ¹³Noreño owénani kinanje kama hokowato. Kini, Anutuko kho nore nunoní tatowó nu rokó njuwore nanje owénani hokowato. Khonani tato usayiní yeño miraye njuya weheñatowó. ¹⁴Hamó, yeno mande kama yesowatowó tiníqo, kho njuro owénani hokowero mepémo kini. Quko yeno andusina uyaro keweroyemo Kristo njuro miti mandeⁱ yesowatowó. ¹⁵Njuya meyowombo kho tanjurí njuro owéye kinanje kama hokowato. Kini, njande kondé inoyoteto, ko yeño injondutuye muko parámi tiní, yate-yate khonani keweroyemo parámi tero usayeweya. ¹⁶Njunde tero miti mande nu norendo rero yendé kumi huwóyemo yote quno njuno uyarero yesowowato. Norendo dano uni komo kho tanjurí quno njuno kho njuro owénani hokowero njuro piyimiñoyoteto. ¹⁷“Uni ka owé ka hokowero inoyote tiníqo, meté Uni Parámimbo owí nanje hokoweya.”^j ¹⁸Dokoro uni ka enejo owí hokoweya, njuko owé parámi kama reyote. Kini, Uni Parámimbo uni karo owí hokoweya, uni njundo nanje owé parámi reweya.

Pol koro murí muko enesó, kho uni meyowo njuro muríye muko enesó

11 ¹Meté naru tukuni nanje neneño wuruwara mandene nu inowanjo. Iyo, njunde ti qembe. ²Dokoro nondo Anutuko yeño kondé inoyote njunde qembe yeño kondé inoyoteno. Qeni, nondo ye pare keta sara-sara horé qu qembe kame kanata te inowero quro mande

ⁱ 10:14 “miti mande” njuko Anutuko Kristo asáñoní khumoro quhuríñanimbo kimo tiní Anutu koya newonde kanata tewero njuro mande meté mu nanje. ^j 10:17 Jeremaia 9:24

kusiyarowó. Kame ŋuko Kristo.^k ³Quko ŋande sasaro teteno, ko sire ŋundo enejo kaná-kaná murí-muríwore Ewa kanáŋaró ŋunde qembe,^l oka kato yeŋo iŋo-iŋoye wosoní yeŋo Kristowore iŋo-iŋoye sara-sara hamó ŋu rotowaŋgo. ⁴Dokoro uni kato huwónemo yeno mahero Yesu enesó ŋuro yesowoweya, peka. Ma yendo yuqa enesó komo kama ranŋurí ŋu rewaŋgo. Ma miti mande enesó komo kama iŋanŋurí ŋuro kusumbo rewaŋgo. Ŋunde tero ye o enesó-enesó ŋuro metéŋoyoteŋgo. ⁵Qeni, no ŋande iŋoyoteno, “asá yerewí uni^m korete” qundo no kama taka nereyoteŋgo. ⁶Enina, no maŋgone muko mande kekere qu yesowowero mepémo kini peka, quko iŋo-iŋone muko tukuni kama teyote. Naru rokóŋoro norendo o murí-murí teyato quno ŋuno, iŋo-iŋo ŋu ye witú yereyatowó.

⁷Nondo ye samaka yerewero quro Anutu koro miti mandeⁿ qu yeno yesoworo kimoyó kama ranowó. Asa ye date iŋoteŋgo, ko ŋundiro neneŋo rewe umburó ŋuwore o piyimi tanowó, peka? ⁸Kho ye keweroyemo tanowó ŋuko, Anutu koro huru-huru^o meywombo kimo nereŋgurí. Asa nondo enejo wondoye ŋu momo tanowó, peka? ⁹No yeya yorano quno ŋuno, ko no okaro tukuni teroqo, ye quhurí ka kama yunoyano. Kini. Topone kumimbo Masedonia mira rotoro Korin yendémo uyareŋgurí ŋundo o ŋuro samaka nereyaŋgo. Nondo ye quhurí ka kama yunanowó, ko watí ŋunde teyowano. ¹⁰Kristo koro mandí hamó noya yote, ko hamó horé ŋande yimiroteno, ŋu muríne ŋuro owéne hokowano, ko Akaia mira soso quno ŋuno^p uni kato soré nerewero mepémo kini. ¹¹Do karo? Ye newonde meté kama yunoyoteno, peka? Kini horé. Anutuko iŋote no yeŋo hamó iŋoyoteno.

¹²Quko uni kumimbo enejo owéye hokoro, Pol koro kiraró qembe uni toŋeyemo tunoqato, yero oreyó seqayoteŋgo. Asa nondo kheyey kusiyowero quro nanŋe khone teyowano. ¹³Ŋu uni ŋuko asá yerewí uni kota-kota qu, kho uni kota-kota qu. Eneŋo muríye hamó ŋu tapuŋoro Kristo koro asá yerewí uni hamó qembe tero yoteŋgo. ¹⁴Ye o ŋuro iŋondata ma tewero. Kini, nore ŋande iŋoteto, Monimbu eneŋombo enejo murí horé ŋu tapuŋoro hiyómboro sambo simó^q qembe tero yote.

^k 11:2 “Kristo ” ŋuko Yesu nanŋe, asa Anutuko rokóŋoní mahero wiri yerete uni parámi horé tunoqaró ŋu. ^l 11:3 Murí Tero 3:1-6,13 weyo qembe. ^m 11:5 “asá yerewí uni ” ŋuko Yesuko rokó yerero asá yiriní enejo khoyó tanŋurí. ⁿ 11:7 “miti mande ” ŋuko Anutuko Kristo asáŋoní khumoro quhurínanimboro kimo tiní Anutu koya newonde kanata tewero ŋuro mande meté mu nanŋe. ^o 11:8 “Anutu koro huru-huru ” ŋuko unipareto Yesu iŋondutuwo huruwoyoteŋgo qu. ^p 11:10 Komo suki Rom unindo mira kano uni wini ŋuno sopo yerero mira ŋu, “Akaia mira,” ye nekoyanŋurí. Mira ŋuro yendé parámi kembé muko Atens yendé, ko Korin yendé ŋuko mirako ŋuno yora. Itaka naru ŋanoko mira ŋuko, “Grik mira,” ye nekoyoteto. ^q 11:14 “sambo simó ” ŋuko komo suki-suki Anutuko unipare kama yoriní tunoqí sambo simó yondowaró. Ko itaka enejo sunarí teyoteŋgo.

15 Ɔundiro Monimbu koro kho uni Ɔundo muríye Ɔu tapuƆoro otete roneneƆowímboro^r kho uni Ɔunde qembe teyoteƆgo. Nore Ɔuro kama iƆondataqewato. ImemeƆgo o teyoteƆgo Ɔuro kimoyó Ɔu siyowaƆgo.

Polko kowe surumí taró Ɔuro eneƆo owí hokaró

16 No kaƆuya yeteno, yendo no uni kape-kape ye ma iƆowero. Quko Ɔunde niyo iƆoteƆgo tiníƆo, norotoyikata nondo uni kape-kape hamó Ɔunde qembe owéne soƆga ta hokowano. 17 Uni Parámi iƆo-iƆoyó howero mande Ɔa kama yeteno. Kini, no uni kape-kape tero neneƆo owéne hokoyoteno. 18 Uni qambu qundo eneƆo koweye saƆaní Ɔuro^s yero owéye hokoyoteƆgo. Ɔunde Ɔuroko no Ɔuya neneƆo owéne hokowano. 19 Dokoro yendo iƆo-iƆo meté horé tero uni kape-kape hamómboro mandeye iƆoyoteƆgo. 20 Hamó, uni kato ye kusi yiriní kho simóƆo^t tunoqeteƆgo, ma kato yeƆo onoƆoye soso ni kini tete, ma kato ye kaná yerete, ma kato eneƆo ri oní ye yoriní umbuteƆgo, ma kato yeƆo umu-kembayemo tamo yereteƆgo. Ɔunde tiƆo, yendo uni Ɔuro meté iƆoyoteƆgo. 21 Aine, no kowi piyo teteno, norendo o murí Ɔu yeno wimbí tewero mepémo kini.

Asa no uni kape-kapeko mande qu yeteno, ko uni kumimbo wimbí tero eneƆo muríye Ɔuro owéye hokowaƆgo tiníƆo, no Ɔuya muríne Ɔuro owéne hokowano. 22 Ɔumbe Hibru koro wini qu ka^u peka? Asa, no Ɔuya Hibru koro wini qu naƆge. Enembe Israel koro uni qu? Asa, no Ɔuya Israel noƆgo. Eneko Abraham^v koro sowe qu peka? Asa, no Ɔuya Abraham koro sowe qu ka. 23 Eneko Kristo^w koro kho uni peka? Aine, no kape-kape hamó tero mande Ɔa yeteno, ko no Ɔuya Kristo koro kho qu tero ene hamó taka yereyoteno. Koweyumu tanowó Ɔundo enendo koweyumu teyaƆguri Ɔu takate. Naru date kusi-kusi yano yoranowó Ɔundo enendo kusi-kusi yano yoraƆguri naruyó Ɔu takate. Utómbo nuroyi mamane raró Ɔundo eneƆo mamaye raƆguri Ɔu takate. Naru parámi wamba khumoyano. 24 Naru kandekako Juda unindo utómbo nutoyuri mamane 39 Ɔunde taró. 25 Naru kapusako uni kumimbo kumukopo nuraƆguri, naru kanoko kumimbo nono wondo raƆaƆguri, naru kapusako waƆgoko yoranowó Ɔu windiko piyo taró, kosa kanata suwo kanata windi quroko kina yateyanowó. 26 Naru qambu wimbo-wimbo toƆeyano, ko sonono piyo tewero tanowó, momo unindo rambaruru nerewero taƆguri, neneƆo sitú toponembo rambaruru

^r 11:15 “otete roneneƆowí” Ɔuko Anutuko nore rokó yiriní noreƆo murínani eneƆo murí howeyote. ^s 11:18 Polko “kowe saƆaní” Ɔuro yaró Ɔuko o kowenani weheƆoro sara-sarape ma iriyó Ɔunde tete Ɔuro kama yaró. Kini, enendo tapara Ɔuwore noreƆo o soso yoto-yotonani nokono Ɔano quro yaró. ^t 11:20 “kho simó” Ɔunde quko uni parámíyómboro kho qu teyara, eneƆomboro o ka tewero mepémo kini. ^u 11:22 “Hibru koro wini” Ɔuko, komo suki *Isip* unindo Juda unipare Ɔunde ye neko yeretaƆguri. ^v 11:22 “Abraham” Ɔuko Juda uniparetoro pukoye. ^w 11:23 “Kristo” Ɔuko Yesu naƆge, asa Anutuko rokóƆoní mahero wiri yerete uni parámi horé tunoqaró Ɔu.

nerewero tanġurí, uni wini meyowomboko rambaruru nerewero tanġurí. Yendé parámimo piyo tewero tanowó, sikuno piyo tewero tanowó, windiko piyo tewero tanowó. Topo kota-kota ġundo rambaruru nerewero tanġurí. ²⁷Nondo koweyumu parámi teyano, naru qambuko nondo suwo doġe-doġe teyano, o qonemboro khumoyano, naru parámi o kama neyano, kutiti tero birimbiri yorano. ²⁸Ħu quhurí soso ġu korowoyoteno, ko ġuya Anutu koro huru-huru soso ġu^x soporo eneġo iġondata parámi teyowe quhurí nono reyote. ²⁹Topone kato wimbí kini teyote tiníqo, no ġuya ġunde naġge wimbune kini teyote. Ko uni piyimimbo uni ka riní o piyimi teweya tiníqo, no ġuro hamó saġgirí teyoteno.

³⁰Asa no okaro neneġo owéne hokowano tiníqo, meté wimbune moré kini tete ġuro tero owéne hokowano. ³¹Anutu, ġuko Uni Parámi Yesu ġuro Iwí, naru suki-suki owí hokoyowato, ene ġande iġote, ġa mande yeteno ġako kota mande kini. ³²Ko Damaskus yendémo ġunoko, wiri yerete uni Aretas koro kumba tukuni ġundo no norero kusi-kusi yano norotowero quro hoġgo mako qu sopoyaġgo. ³³Quko topo kumimbo norero toġgo kome puġge parámi kano norotoro hoġgo witusina utó ri mirako umbuní kumba tukuni kandeye moġgo soranowó.

Uni kato kapo ka qeneró

12 ¹Asa no owé hokowero murí tero o meté ka kama rewano, quko kaġuya owé ka hokoro Uni Parámimbo kapo riní tunoqaró quya mande tapuġowí^z wisiyaró ġuro yewe. ²Nondo Kristo^a koro uni qu ka iġo inoteno, ko kumima naru 14 ġunde komo Anutuko uni ġu towoní koreko sambo kapusayómo^b ġuno oró. Quko ene kowímo watí yorape ma kowí ġu rotoro oró, indika, no kama iġoteno. Anutuko naġge iġote. ³Ħu uni ġuko, ene kowímo watí yorape ma kowí ġu rotaró, indika, no kama iġoteno, Anutuko naġge iġote, ⁴asa Anutuko uni ġu towoní paradais^c ġuno oró. Oro Anutuko mande surumí ka miraró, quko uni yesowo yimirowero ġuro soréġaró. ⁵No uni ġunde quro owí hokowano, quko neneġo owéne kama hokowano. Kini, no wimbune moré kini tete ġuro naġge owéne hokowano. ⁶Hamó, ko no owéne hokoroqo mande kape-kape kama yewano. Dokoro nondo mande hamó naġge yeyoteno, kota mande kini. Quko neneġombo owéne hokowero ġuro piyimiġoteno. Dokoro ġande ye iġoteno, meté uni soso otetene qenero mandene iġoro ġu rokó naġge ġuwore ronda nerewaġgo.

^x 11:28 “Anutu koro huru-huru” ġuko unipareto Yesu iġondutuworu huruwoyoteġgo qu.

^z 12:1 “mande tapuġowí” ġunde quko iġo-iġo ka Anutuko komo tapuġoro itaka naġge wisiyo yunoyote. ^a 12:2 “Kristo” ġuko Yesu naġge, asa Anutuko rokóġoní mahero wiri yerete uni parámi horé tunoqaró ġu. ^b 12:2 “sambo kapusayó” ġuko Anutu koro yendé ġundiro. ^c 12:4 “paradais” murí muko ġandiro: noko meté horé mu.

Oka tisi qembe qundo Pol sanjawoyaró

⁷Anutuko no mande tapuñowí parámi horé ñu^d wisiyo nunaró, quko no neneñomboro parámi ma iñowero quro o piyimi ka kowene sanjanímo^e nunaró. Ñuko Monimbu koro kho teyote qu ka, tisi qembe sanja nerero rowore nerewero surumí nereyote. Neneñombo neneño re oweya koro. ⁸Naru kapusa qunoko Anutu kirayoro hariri kondé tanowó, ko enendo o nono yote ñu re rotoweya, ⁹quko ñande nimiraró, “Samaka-samaka tuwó^f kunoyoteno ñuko keya kanarami, do karo wimbune muko uni wimbuye moré kini quno kho wimbí kondé horé teyote,” yaró. Ñunde ñuroko wimbune moré kini ñuro niñgu-ningu parámi teyoteno. Ñunde tewe Kristo^g koro wimbí ñu kondé noya yoweya. ¹⁰Ñu murí ñuro no Kristo koro khoyó tero wimbune kini tete, neneño huwó mande yeteñgope, ma quhurí korowoyoteno, ma o piyimi te nunoyoteñgope, ma quhurí kate-kate nono tunoqeyote tiníqo, no ñuro tero newonde meté yoteno. Dokoro no wimbune moré kini tiníqo, ñu naruko ñuno nanje no wimbu reyoteno.

Polko Korin unipare ñuro iñajawí taró

¹¹Nondo kape-kape mande yeteno, quko yeño oteteye ñundo mandene ñu ri otoqaró. Qeni, meté yendo owéne hokowanjo nanje. Hamó, noko oka kina qu, quko no “asá yerewí uni^h korete” ñuro kasirayemo kama yoteno. ¹²No ye keweroyemo yotoro quhurí parámi koroworo asá yerewí uni hamó ñuro rokóye ñu, asa rokó kate-kate, kho kondé, o wimbí moré,ⁱ ñu soso teyanowó. ¹³Anutu koro huru-huru meywombo^j date ye taka yereñgurí? Ñjawore peka, asa no quhurí ka kama ye yunanowó. Aine, potóne ñu re rotoyi qembe.

¹⁴Asa itaka no yeno naru kapusayómo mahewero o roñgaruwoteno, ko ñu naruko ñuno ye kho quhurí kama yunowano. Dokoro oye ñuro surumí kama iñoyoteno. Kini, ye yeñomboro nanje surumí iñoyoteno. Qeni, nanjo-simóyembo awa-náye samaka yerewero koro o kama kopoyoteñgo. Kini, awa-náyembo simóyembo ñunde teyoteñgo. ¹⁵Ko no niñgu-ningu hamó tero ye samaka yerewero koro neneño o qu soso

^d 12:7 “mande tapuñowí” ñunde quko iño-iño ka Anutuko komo tapuñoro itaka nanje wisiyo yunoyote. ^e 12:7 Polko “kowe sanjaní” ñuro yaró ñuko o kowenani weheñoro sara-sarape ma iriyó ñunde tete ñuro kama yaró. Kini, enendo tapara ñuwore noreño o soso yoto-yotonani nokono ñano quro yaró. ^f 12:9 “samaka-samaka tuwó” ñuko Anutu eneñombo nore samaka yereyote. Kimoyó moré kini. ^g 12:9 “Kristo” ñuko Yesu nanje, asa Anutuko rokóñoní mahero wiri yerete uni parámi horé tunoqaró ñu. ^h 12:11 “asá yerewí uni” ñuko Yesuko rokó yerero asá yiriní eneño khoyó tañgurí. ⁱ 12:12 “o wimbí moré” ñuko o enesó-enesó tunoqiní Anutu koro wimbí ñunde tunomo yoweya. ^j 12:13 “Anutu koro huru-huru” ñuko unipare soso Yesu iñondutuwo nokone-nokone ñuno huruwoyotengo qu.

siyoro yunowano, ko yoto-yotone ŋuya yunowano. Ko nondo newonde meté parámi ye yunowano tiníqo, ye newonde meté no nunoyotéŋgo ŋuko soŋga ta umbuweya, peka? ¹⁶Enina, no quhurí ka kama yunanowó. Quko ŋandiro peka, no kaná yerero kusi yerenowó? ¹⁷Datiro? Nondo uni yeno asá yerenowó ŋundo kaná yiri yeŋo oye kama siyanowó, hamómbe? ¹⁸Qeni, nondo Taitus iŋo-iŋo inowe yeno uyaró, ko topo kaŋuya asáŋowe eneya kopo uyaririyó. Ko Taitusko ye kaná yerero yeŋo oye kama siyaró, hamómbe? Ko nore irisa iŋo-iŋo kanata, ore kanata howarowó.

¹⁹Ye date iŋotéŋgo, ko norendo toŋeyemo meté yowero quro murínani ŋuro yeyoteno? Ŋunde kini. Norendo Kristo^k quroyómo Anutu toŋímo yeyoteto. Topo-topone meté, mande soso yeteto ŋuko iŋondutuye riní kondérewero quro yeteto. ²⁰Dokoro no sorero ŋande ye iŋoteno, yate no yeno mahero yiyoro kiraróye qenero piyimiŋowano, ko yendo no niyoro kiraróne qenero piyimiŋowango. O ŋaro soreyoteno, ko ŋunde piyimiŋoro mandeto kuma tero, newonde tutu tero, saŋgirí parámi tero, owé parámi seqaro, huwó mande yero, kisikasa yero, yeŋo owéye hokoro, mira windu-windu tewaŋgo. ²¹Ko yeno maheweqota Anutunembo no noriní toŋeyemo umbuwano, ko ye kumimbo o murí-murí pusú quya se simbururu koya newonde otoqowero murí piyimi muya komo ŋu tero newondeye kama rohoréŋaŋgurí ŋuro newonde surumí parámi tewano.

Eneŋo iŋondutuye meté sopowaŋgo

13 ¹Itaka no yeno kaŋuya naru kapusa uyareteno. “Ko uni irisape ma kapusa ŋundo okaro yewaŋgo qunoko o ŋu hamó naŋge ye iŋowato.”^l ²⁻³No naru irisayómo yeya yoranowó quno ŋuno uni o piyimi komo teyaŋgo ŋuro oresaka mande ka ye soso yimiranowó. Ko itakako no kapiyamo yotoro kaŋuya ŋunde yimiroteno. Yendo Kristoko nenewore hamó mande yeyote ŋuro qenewero kondé ye iŋoyotéŋgo. Asa ko no pitu yeno mahewano quno ŋuno quhurí uni ŋu roŋgaru yerewano. Enendo ye keweroyemo wimbí teyote, ime-ime kama teyote. ⁴Hamó, komoko wimbí moré kini tiní rero tipiririkoⁿ uraŋgurí. Quko Anutu koro wimbímo itaka yoto-yotoyó moré yote. Hamó, nore ene quroyómo wimbunani moré kini. Quko ye keweroyemo Anutu wimbíwore nore eneya yorowato.

⁵Yeŋombo yeŋo muríye towonoyuri qembe, komo iŋondutu taŋgurímbe, ma kini? Muríye rondani qembe. Iŋondutu ŋunde taŋgurí tiníqo, Yesu Kristoko yeŋo newondeyemo yote. Iŋondutu kama taŋgurí tiníqo, newondeyemo kama yote. ⁶Meté ye ŋande iŋowaŋgo, ko nore ŋuya iŋondutu tato newondenanimu yote. ⁷Nore Anutuko hariri teyoteto,

^k 12:19 “Kristo ” ŋuko Yesu naŋge, asa Anutuko rokóŋoní mahero wiri yerete uni parámi horé tunoqaró ŋu. ^l 13:1 Hutuŋo Mande 19:15 ⁿ 13:4 “tipiriri ” ŋunde quko wiri yerete uni kumimbo eneŋo uni saŋgiríye yoreru ŋuno uroyi khumoyangurí.

meté ye o piyimi ŋu kama tewango. Quko inondutunani meté mu unipare witú yerewero quro hariri ŋu kama teyoteto. Kini. Meté koretero noreno inondutu kama tatowó qembe. Enina, ye o meté nanje ti. ⁸Dokoro nore oka tero mande hamó ŋu rato umbuweró mepémo kini. Kini, nore mande hamó ŋu samakanjowero ŋuno nanje kho teyoteto. ⁹Dokoro nore wimbunani moré kini teteto, quko ye mepémo kondé yowango, ŋuro niŋgu-niŋgu teyoteto. Ko naru rokóŋoro hariri teyoteto, ko yeko pitu ko meté horé tewango. ¹⁰Ŋu murí ŋuro no kapiyamo yotoro sokome ŋa nakayáŋoteno. Uni Parámimbo kho ka tewero quro wimbu nunaró. Kho ŋuko ye rukiso yerewero quro kho qu, rambaruru yerewero quro kini. Asa ko sokome ŋande qu nakayáŋowano tiníŋo, imemonjo yeno mahero yeya mande kondé kama yewano.

Polko yunguna yereró

¹¹Topo okite, mandene weŋa qu ŋandiro. Niŋgu-niŋgu ti qembe, yeŋo muríye ronjaruwi qembe, mandene inoyi qembe, ino-ino kanata quno yuri qembe, newonde ime yuri qembe. Ko Anutuko, ŋu ye newonde meté yunoro newonde ime yunoyote ŋundo yeya yoweya. ¹²Epe yunguna-yunguna ti qembe. ¹³Unipare meté horé soso ŋundo ye yunguna yereyotengo.

¹⁴Uni Parámi Yesu Kristo^o koro samaka-samaka tuwó^p ŋuya Anutuko newonde meté yunoyote quya Yuqa Surumimbo topo teyote quya yeya soso yuri.

^o **13:14** “Yesu Kristo” - komo suki *ye-ye unindo* Anutuko uni ka rokóŋoní mahero wiri yerete uni parámi horé tunoqeweya qu karo yangurí. Juda unipareto uni maheweya ŋu, “Kristo,” ma, “*Mesaiya*,” ye nekanjurí. Asa Yesu mahiní eneŋo unipareyó, “Kristo Yesu,” ma, “Yesu Kristo,” nanje ye nekanjurí. ^p **13:14** “*samaka-samaka tuwó*” ŋuko Anutu eneŋombo nore samaka yereyote. Kimoyó moré kini.